

贊海

像


集選

漢書門			
八〇六元	一〇三函	三架	三〇冊
類	號	架	冊

庫文閣内	
漢書	八〇六元
函	三架
冊	三〇冊
架	一
號	類

内閣文庫	
番號	漢 8069
冊數	30 ( 6 )
函號	367 117

番録



綴じ部(喉部分)の文字等が開きが不鮮明な場所あり



名賢合贊

贊海

十三

福



贊

贊海卷之十三

像

名賢合贊

蜀漢君臣贊

蜀漢君臣贊

贊昭烈皇帝

明楊文龍

靈帝

植爰滋八方別自中山靈精是鍾順期生

傑起龍驤始於燕代伯豫君荆吳越憑賴望風請

盟挾巴跨蜀庸漢以并乾坤復秩宗祀惟寧躡基

履迹播德芳聲華夏思美西伯其音開慶來世歷

載攸興

諸葛丞相

忠武英高獻策江濱舉吳連蜀權我世真受遺銜

起上下疑有脫字

音字疑誤字

權



整武齊文敷陳德教理物移風賢愚競心貪其身  
誕靜邦內四裔以綏屢臨敵庭實耀其威精大國  
恨於未夷

許司徒

司徒清風是咨是臧識受人偷孔音鏹

關雲長張益德

關張赴上出身匡世扶翼上雄壯虎烈藩屏左  
右翻飛電發濟于艱難上贊主洪業侔迹韓耿齊聲  
雙德交待無禮並致姦慝悼惟輕慮上墮身匡國

馬孟起

驃騎奮起連橫合從首事三秦保據河潼宗計於  
朝或異或同敵以乘豐家破軍士乖道反德託鳳  
攀龍

孟起

翼侯良謀料世興衰委質口主是訓是詔暫思經  
籌觀事知機

龐士元

軍師美至雅氣曄々致命明主忠情發臆惟此義



宗亡身報德

黃漢升

將軍毅壯，摧鋒登難，立功立事，于時之幹。

董幼宰

掌軍清節，允然恒常，謹言惟司，民思其綱。

鄧孔山

安遠疆志，允休允烈，輕財果壯，當難不惑，以少禦多，殊方保業。

費賓伯

揚威才幹，欬戲文武，當官理任，術、辨、舉、圖、殖、財、施、有、義、有、叙。

王文儀

屯騎主舊，固節不移，既就初命，盡心世規，軍資所恃，是辨是禪。

劉子初

尚書清尚，勅行整身，抗志存義，味覽典文，倚其高風，好侔古人。

麋子仲



安漢雍容或婚或賓見禮當時是謂循臣

王元泰何彥英杜輔國周仲宣

少府脩慎諫議隱行儒林天文宣班大化或首或  
林

吳子遠

車騎高勁惟其泛愛以弱制強不陷危墜

李德昂

安漢宰南奮擊舊鄉剪除蕪穢惟刑以張廣遷蠻  
濮國用用強

張君嗣

輔漢惟聰既機且惠因言遠思切問近對贊時休  
美和我業世

黃公衡

鎮北敏思籌畫有方導師禳穢遂事成章偏任東  
隅永命不祥哀悲本志放流殊疆

楊季休

越騎惟忠厲志自祗職于內外念公忘私

趙子龍陳叔至



征南厚重征西忠克統時選士猛將之烈

鎮南粗強監軍尚篤並豫戎任自封裔

司農性才敷述允章藻麗辭理斐然有光

李正方

正方受遺豫聞後綱不陳不僉造化異端斥逐當

時任業以喪

魏文長

文長剛粗臨難受命折衝外禦鎮保國境不協不

和忘節言亂疾終惜始實惟厥性

楊威公

威公狷狹取異衆人閑則及理逼則傷侵

馬季常

文經韓士元張處仁殷孔休習

文祥

經勤類士元言規處仁聞計孔休文

祥或才或藏播述志楚之蘭芳

王國山李永南馬盛衡馬承伯李孫德李



偉南藝德緒王義疆

國山休風永南耽思盛衡承伯言藏言時孫德果  
銳偉南篤常德緒義疆志壯氣疆

馮休元張文進

休元輕寇揖時致害文進奮身同此顛沛患生一  
人至於弘大

程季然

江陽剛烈立節明君兵合遇寇不屈其身畢夫隻  
役隕命於軍

程公弘

公弘後生卓爾奇精天命二十悼恨未呈

麋芳士仁郝普潘濬

古之奔臣禮有來徧怨興司官不顧大德靡有匡  
救倍成奔北自絕于人作笑三國



操

有憂世之志而無經世之才而無成物之德欲以有為於天下皆古昔之所難也聖賢之跡不見于世也久矣慕事功者多蔽於卑近務高遠者每病於難行吾求士於二千載之間功業赫然可稱而秉心操行不倍於聖賢之道者得五人焉皆天下之才士今世之所未聞而余之所願學也故贊其盛以識余之私因是五君子以望乎聖人之大全此余之志也以

尚友五贊 有序

明方孝孺

廣文選



五君子為足法而不以大者自望非余之志亦非五君子之志也

諸葛武侯

西敷

漢治任法難乎大臣惟忠武公千載一人綜覆萬變以義而動虎躍龍驤天下震恐極其智能亂不足平天實厄之大勲無成成敗紛然處之甚暇論其所存伊呂流垂古學不傳士氣益卑公心不亡百世之師

尚陸宣公

士不知義以國為外媚悅取容自為身計嗟吾先生慨然哀之君非堯舜媿見色辭諫書如雲指訐遺闕忠邪義利不少撓折事雖多違言則長存用諸天下可安黎元豈若俗儒以文嬉戲先生見之當為流涕

范文正公

古之至人忘己徇民一夫顛連如疾在身此義不明貴賤我物以民自奉恬不加恤孰若先生惟民之憂飲食夢寐四海九州先事而言庸狡所忌就其



所成允足經世世之通患溺於故常聖法皇猷嘗  
以為狂誰能致遠而舍車馬敢謂先生不在天下  
古之韓忠獻公公初一大顯也以我武  
生民難謀天下大器必能容之而後可治大人之  
量喬嶽巨川未嘗有為萬物資焉豈若淺夫露其  
才智初如可喜卒敗大事堂堂魏公宋之宗臣元  
氣流行為初為春欲名其功公亦無作視其用舍  
為民憂樂世彌遠矣孰尚嗣之我觀九州悠悠我  
懷

司馬文正公

儒者之澤大行于民伊周以來惟一人始未可為  
萬鍾不受逢時多艱為世父母凡民之心惟久乃  
安欲其即從聖人猶難亦獨何修政化甚速誠  
於為善四海悅服用術相欺惟恐不深公神在天  
汝果何心

遊志齋集

深



*[Faint bleed-through text from the reverse side of the page]*

漢四賢贊

題 沉懋孝

忠武諸葛公

抱膝長吟者草廬三顧時神虬卧則起翊運驤六  
飛三分紆定策受托撫孤遺琅琅出師表蕭曹曷  
足期

壽亭關公

皎皎桃源上片言成肉骨百戰歷艱危忠肝不可  
易神行天地間心赤馬亦赤夢想幾見之寶刀如  
霹靂

蕭

夢 肉



淮陽汲長孺

天子置弼臣。詎令事唯諾。縱愛身家乎。內省寧不  
怍。公孫開兩端。汲公常嶽嶽。淮南寢其謀。風表震  
寥廓。

典屬國蘇卿

丁年奉使去。皓首乃得歸。田廬零落矣。妻室亦空  
幃。旄頭擅欲盡。爵雪可療饑。棄骸北海上。唯令天  
地知。

蘇卿集卷之六

三賢贊 并序

具瓊

瓊常求天下士。以文章名一世者。古今不數人。  
以事業著萬世者。古今不數。若晉平原內史陸  
士衡。及弟清河內史士龍。此以文章名一世者。  
矣。唐平章事陸宣公。此以事業著萬世者。乎。初  
士衡兄弟之歸晉也。張華曰。伐吳之役。利獲二  
俊。且中州非無能言之士。而弘麗漂逸。殆不及  
焉。史稱其遠超。救馬高躡。王劉百代。文宗一人  
而已。則其文章可知。已。宣公之佐唐也。嘗曰。上



不負天子下不負所學自居翰林至於相論諫  
數十百篇皆本於仁義而所用裁十一先儒稱  
其智如子房而文則過辨如賈誼而術不疏則  
其事業可知已華亭舊有二俊祠至正二十三  
年松江通守顧侯逖教授馮恕拓地大成殿北  
構堂而遷之并奉宣公焉明年春瓊承分教之  
命始獲拜其像按士衡吳縣人宣公嘉興人居  
非同里也生非同時也其出處本末不類也然  
上下千百年間而吳之人才以文章事業稱者

獨此三君焉且不克盡其用以死孰非天乎何  
才之厚於三君者如此而功之畜於三君者如  
彼故天下莫不為二俊冤而尤為宣公惜也鄉  
人思之深愛之至合而祠之宜矣瓊嘉興人也  
數往來華亭幼讀三君書未嘗不服其雄辭大  
節恨不得起於九原而忻然執御焉乃贊之曰  
猗歟盛哉一門二俊龍翔鳳騫天運既移國鄙臣  
遷才高匪福道否終愆蘭悲塗剪玉恥璞全諤諤  
宣公華峰一柱衆邪而傾孤立無與炳炳萬言以



藥人主功濟時屯，謗由直賈有烈其芳，有燁其先。  
近宗遠法，豈唯一鄉。九山峩峨，與岳相望。匪山之  
高，伊人之良。  
清江集

四賢贊

貞白先生

丹霞可食，白雲可怡。冲盧澹然，榮名藐如。著述之  
存，濟生之仁。茲其緒餘，妙有道真。

明 鄭棠

清節先生

解印賦歸，間情丘壑。淡乎雅吟，悠然天樂。秋英三  
匝，春醪一尊。南窗寄傲，羲皇上人。

右靖節先生

江在名流，清雲高蹈。蕭灑天真，筆精墨妙。蘭亭一  
觴，流聲至今。想其高風，修竹茂林。

蹈瀟

還歸



濯

李請仙

長庚之精列仙之儒濯光華皎然非儀隘視人寰  
脫畧絃組文輝萬尋高冠千古

西春右李請仙

濯光華皎然非儀隘視人寰

西春右李請仙

濯光華皎然非儀隘視人寰

濯光華皎然非儀隘視人寰

西春右李請仙

義門奕葉文

三儒贊

明 沉懋孝

文中王仲淹

寥寥千載道在河汾顏氏殆庶復有斯人元氣之  
會渾然無垠味言探真如蘭斯馨誰云剛後便無  
六經惜不盡傳挹此氤氲

昌黎韓退之

點佛焚骨乘輿改容逐鱷如兇比于姬公原人原  
道翼經有功杜律韓文祀鉅工追孟提蘇伯仲  
稱雄



熒  
熒對

江都董子

秦熒烈矣。挾書未除。下惟沉精。乃有此儒。正誼明道。管晏箴如。獨尊孔氏。請黜異書。天人三對。正氣大舒。

沈太史全集中水滸縉編

三賢贊 并序

唐司空圖

隨大業間房公李公魏公同師文中子。嘗謂其徒曰。玄齡也。志而密。靜也。惠而斷。徵也。直而遂。俾其遭時致力。必濟謨庸。厥後果然。宜其有贊激云。

荒  
三賢志同。夙尚儒風。以植公忠。出遇太宗。諷議從容。謀厥群雄。君勞臣惕。荒夷阻關。百千年社稷。



三枚  
三十五枚

十一月廿三日

十月廿三日

十一月廿三日

十一月廿三日

唐文粹  
卷之二十三

凌煙閣勳臣贊

并序

唐呂溫

我二后受成命、撫輿運、軋坤軸、撼乾樞、鼓元氣、而雷域中、騰百川、而雨天下、雷收雨霽、如再開闢、蕩焉與太極同功、貞觀十七年、太宗以功成理定、秉為而不有之道、讓德于祖考、推勞于羣臣、念匡濟于艱難、感風雲之疇昔、思所以摠之無窮、乃詔有司、擬其形容、圖畫於凌煙閣者、二十有四人、蓋象乎二十四氣之佐天、昭勳德也、昔者舜以九官致理、周以十亂返正、高皇以三傑

域

亂



作漢光武以二十八將中興若夫錯綜勲賢牢籠今古雄四代而高視者其唯聖唐乎至若唐莒公劉渝公之倫探元符建帝圖首戴神堯舉晉陽而活天下此則大禹之拯溺也魏鄭公以致君為己任諫若不及謇謇左右秉心宣猷此則咎繇之暘言也虞永興糾合羣儒旁求百代明備王禮克諧帝樂使我大國煥乎其文章此則夷夔之制作也長孫趙公舉大義除二凶安宗廟定社稷以振我丕赫無疆之休此則周公

之匡救也英衛受天勇智雄武佐聖鼓行海內麾定四方此則太公之鷹揚也房杜元機朗識並運帷幄神發響效暮成天功此則蕭何之指蹤子房之決勝也尉遲秦程剛毅木訥氣鎮三軍力崩大敵匹馬孤劔為王前驅此則吳漢之樸忠賈復之雄勇也其餘皆棖棟殊材黼黻異制傳諸古烈罔有慙德皇王之際於斯為盛其始也文為經武為緯智斯作忠斯述其末也大不逼小不遏退者全來者達控而縱之使自用



之推而引之使自盡之不設籠檻以觀遼廓之  
致不頓韁鑠以極權奇之變執一德而衆力展  
懸大信而羣情竭高祖聚之以義太宗用之以  
道高宗終之以仁傳聖萬代享其功利此非盛  
歟此非盛歟昔陸機袁宏為晉人而歌功於漢  
魏作者猶或稱之況乎遊聖代觀國光目睨凌  
煙而頌聲不作其不揣賤劣有疊然之志輒盡  
所蓄各為讚一章上以見王業之艱難中以明  
聖賢之相須次以朗前哲之光韻末以聳後人  
之誠節侯君集張亮負勲跋扈自陷大逆敢沒  
其名用彰天刑使伐勞懷貳者懼春秋之義異  
姓為後故以河間元王為讚首云

河間王孝恭

太極構天本由一氣大人創業資我族類堂堂河  
間仁勇是經適駿有聲為唐宗英暴隋天亡羣盜  
猖狂我伐用張時惟哲王武有烈光為爪牙肺腸  
經綸八方自南徂東晏海澄江使父兄帝天下化  
家為邦用竭爾力寵臻其極言不伐色不德以遜



玄

以默柔嘉惟則佐高祖建大勳如周旦與太宗  
守大成如漢間平宜君宜王盤石無疆

房梁公元齡

婉婉

梁公先覺龍臥待君長彗流光掃天布新義師雷  
興公躍其鱗杖策千里來排帝閣婉婉梁公實懿  
實聰實光實融羽義翼忠若鸞若鴻大風動地儒  
服從容靜運胷中弛張折衝左右太宗夷屯廓蒙  
定高祖功功告武成翊開太平我雖忘勞時靡有  
爭網羅遺賢推轂羣英玉不韜輝蘭無沈馨飛鴻

寧寧

出冥振鷺在庭濟濟多士太宗以寧太宗寧矣公  
無事矣闕袞有補惟仲山甫經營四方方叔邵虎  
大邦鈞軸至則委汝閑居台輔撝默自處亦莫敢  
余侮高朗令終嗚呼梁公

杜萊公如晦

靈

穆穆萊公竒姿粹靈蘊元和氣為大國楨乘時恢  
能唐室天開故人相攜直上泰階更為陰陽迭作  
日月佐明四海贊育萬物二人同心王度是欽如  
玉如金德音悃悃萬有千古永稱房杜如周申甫



魏鄭公徵

堂堂魏公崇節大志喬幹直聳摩天自致遭風雲  
時得霸王器一言委質有死無二撫我則后各盡  
其志沈浮變通吾道不窮龍戰既息皇建其極俾  
補袞職其繩則直諤諤疑疑危言正色保太宗德  
弼違替否日月不蝕黜漢霸親行周王道入或有  
言秉德不撓禮興樂崇德洽道豐保合太和昭明  
有融起四年中復三代風言出化成神哉厥功尹  
躬佐商有恥于湯公以其心匡飭聖唐為唐宗臣

蝕雜

豐

致唐無疆致唐無疆永式萬邦

長孫趙公無忌

趙國之先發祥朔土乃祖乃父受天之祐有女而  
聖為天下母有子而賢為唐室輔聖賢同契千載  
一覩丕顯趙公允文允武克忠克仁實有大勳高  
祖受命太宗歸尊翼翼乾乾恪居于藩羣孽亂嗣  
爭窺神器鴻業將墜公揭大義一匡天地人到于  
今家受其賜帝將傳聖爰有顧命汝忠汝誠莫與  
汝京與我聖子守唐太平公相高宗有太宗遺風



刑措財豐八荒來同和氣大融妖星襲月禍起中  
宮公將正之以玉帝躬力屈羣邪誠阻天聰黜非  
其尤令問無窮

唐莒公儉

歲寒陰凝冰雪皚皚有鳥擇木先陽春來猗與莒  
公王佐之材間運未開登潛龍臺代萬姓請命與  
天為媒扶龍而興振起雲雷權輿帝圖經始唐基  
始覆一簣勃焉巍巍易失曰時難知惟幾知幾其  
神莒公元勳

劉渝公政會

河出崑崙來潤中夏連山合沓橫擁其派巨靈勃  
然手坼太華決流東注功並造化粵我聖唐將舉  
晉陽帝命是將往拯溺于四方亦既載旆亦既秉  
鉞強凶當路拒不得發渝公慷慨感義激節用奇  
制變大事立決雷奮電越天衢八達則莫我敢遏  
如巨靈破山河勢始豁赫矣渝公與神齊烈迹如  
仙掌烟烟不滅

李衛公靖



有隋之末，羣盜熾，帝怒震發，五星從太白，煥照參野。將有聖人，兵定天下，金精下射，猛毅感激。李公矯矯，從此奮迹，躍于中原，王者自獲，壯士不死。唐威載赫，帝曰：汝傑，致天之罰，手付金鉞，俾往式遏不庭，則殺如賊，發發如火，烈烈摧枯，燼雪應鼓，如截遠若荆巫，險若江湖，強若匈奴，莫不率從，莫不震恭，車書混同，氛祲蕩空，衛侯之功，功則維何，威明惠和，策勇駕智，長驅仁義，仁義曠蕩，帝王之將，萬古曷瞻，鐵山巉巖。

李英公勳

亂  
橫流莫極，大亂無象，英公傑出，應運為將，與楚楚霸，與漢漢王，天時人事，隨我所向，長蛇縱蠱，東據河洛，婪婪封豕，來濟同惡，號吼連聲，如雷如霆，萬里震驚，時維英公，諒我太宗，斬豕以鉞，取虵于穴，羣穢殄滅，乃定九鼎，乃開明堂，奄有大邦，金甲同光，告成于皇，皇業用昌，帝命英公，北伐獫狁，雷鼓殷殷，旄頭幾殞，掃雪黑山，布唐陽春，五原草綠，不見南牧，島夷未庭，天子親征，其鋒維英，莫拒莫抗。



是震是蕩破東海浪天下既和解鞏投戈袞服委  
蛇華髮皤皤終始三朝無玷可磨

劉夔公宏基

夔公崢嶸金虎之精應時而生與運俱行揔帝元  
戎震唐天聲瞋目張膽前無金城別建龍節中分  
虎旅啓行萬里乘氣一鼓劔揮雷霆旆卷風雨先  
馳咸陽鎮定天府天府既定唐集大命入揚王庭  
出握兵柄薄伐獫狁朔風不競徂征島夷東海如  
鏡義始忠卒元勲之盛

長孫邳公順德

泰山未明雲鬱幽崖日觀赫開舒為丹霞昔我太  
原賢傑潛屯帝出于震爛其盈門邳公炳焉實耀  
其間功參造物謀協先天執爰前驅捧轂南轅以  
勞以舊佐命之元

虞永興公世南

英英永興華德素行以文富國以道佐命天下既  
定為唐儒宗東觀石渠始出古風乘精繹思假道  
書圃馳騁百代出入三古問羲皇心聽堯舜語歸



闡

臨

來帝側，獻可替否。帝告永興，與鴻碩之倫。闡六籍，三墳，建樂章，禮文先師。是宗先聖，是崇於廊。辟雍，辟雍沈沈，天子所臨。或絃或歌，講古述今。其徒八千，纓弁森森。獬豸羣，咸詠德音。羽林孤兒，亦垂青襟。洋洋聲教，無遠不洎。日月所照，皆成文字。鬱開古始，掃蕩澆季。實我羣儒，成太宗之志。英英永興，宜曰文懿。

尉遲鄂公敬德

洸洸鄂公，百鍊龍鋒。沈翳未宣，氣衝斗間。佩非其人，躍入大川。神武獲焉，提之上天。天地之內，指麾無前。熊威虎力，隱若敵國。剛毅木訥，安劉必勅。武德之屯，手拔禍根。掃除氛昏，捧出白日。耀于天門，功成名遂。高謝戎事，烈烈猛志。化為和氣，深地高堂。頤性保常，屑瓊飲露。靜奏清商，商為臣勳。事君鄂公之志之仁。

蕭宋公瑀

隋氏不君，忠賢莫用。相生朝陽，有集惟鳳。捨彼頽厦，鬱為新棟。輅車元袞，開國有宋。武德之暮，羣孽



臨

內蠹魏魏宋公，聳節高步，不吐不茹，不來不去，屹  
岷中立，為天一柱。從容而言，社稷遂安。持誠秉忠，  
光輔二君，激濁揚清，欲人如身。道至廣莫，我敢羣  
境至大，不容纖塵。雪山倚空，冰壑照人。耿介絕鄰，  
為唐貞臣。

張郊公公謹

有倬郊公，佻佻而貞，沈沈而仁。實太宗信臣，太宗  
守藩內難，未夷圖之則安，捨之則危。帝臨安危，機  
以懼以疑，以著為有知，是筮是咨。郊公巖然排闥，  
折著抗憤，正詞用人。事定天意，身為元龜。不知不  
識，順義之則，以定社稷。郊公之力，公之云亡，帝念  
其勤，若痛在身。天懷發中，哭不避辰。君臣之間，夏  
古未聞。

屈突蔣公通

五運相推，土火革期。隋化為唐，忠臣不知。猶驅義  
徒，奮拒王師。指心誓天，摩頸待時。人歸有德，四海  
皆邦。春日滿川，孤冰未泮。亡家徇國，方寸不乱。力  
屈勢窮，排空落翰。東南慟哭，血盡魂斷。杖忠就禽。

懷

驅

叛

哭



萬國瞻歎帝曰爾通古之烈士孝于其親誰不欲  
子俾侯于蔣授以師紀感恩不死宣力如彼佐唐  
扶隋名教之美

高申公士廉

維嶽降神佐唐生申忠貞自天孝友如春德為邦  
基行厚人倫肅肅雍雍真王者臣慶因歸妹光延  
天配婚媾之中雲龍潛會建公南海廓我無外諒  
武撥亂弼文開泰湯彼庸蜀荐鍾澆季文翁之化  
若掃于地申公攸徂有教無類父子兄弟望風相  
媿勃興儒雅大復禮義西南頌聲到今不墜名登  
元勳理冠羣吏全材大器於鑠厥懿

殷鄒公開山

溫溫殷公初如懦夫銅印試吏褻衣為儒大風驅  
雲忽與之俱遭逢真宰參造化暮天地既闢厥功  
有赫從王龔行佐帝光宅遠展驥足高揮鳳翮以  
永終譽垂于竹帛

秦胡公叔寶

洛汭之役龍戰未決秦公應變臨陣電拔銳氣盡



來我盈彼竭成敗反掌存亡奄忽虎來風壯鼉轉  
山沒遂作心膂爰從討伐崩圍陷陣火迸水裂翕  
如鷄聳縱若鯨突功成國定萬古壯骨

程盧公知節

盧公倬然動軼幾先轉禍為福攀龍上天續翻鵬  
翼積風乃聳桓桓將軍大敵則勇雷崩山谷貔虎  
頓伏颯倒溟波鯨鯢蹉跎見危而進當死不讓于  
城三朝身老氣壯

段褒公志元

褒公虎臣先運而臻謁帝太原許唐與身擁劍駕  
氣騰風躍雲積忠累仁光有厥勲建旆北伐細柳  
宵屯風謐霜凝嚴扃達晨天子之使駐車軍門安  
衆秉威此真將軍洸洸桓桓克壯有聞

許譙公紹

羣動相食血流中原譙公夷陵豺虎與鄰列境連  
城火炎煙昏皎其一邦如玉不焚三光忽開萬象  
皆新誰有天下平生故人引忠歸誠豹變蠖伸金  
石之契移為君臣奕奕煌煌為龍為光元戎啓行



大旆央央式遏大江奄征南方恩斯勤斯而不可  
忘

*(Faint bleed-through text from the reverse side of the page)*

唐文粹  
卷之九

唐四賢贊

明 沈懋孝

梁國秋令公  
前星在房州乾坤屬晦冥振衣撐柱之不淄亦不  
磷鸚武溺其翼片言迷復惺潛機授五龍夾日還  
東昇淵乎此國光穢迹見丹誠

鄴侯李長源

漁陽一夕鼓馬嵬八駿馳父子不相顧山河屬付  
誰眇然白衣老赤手扶黃衣秉符召李鄴靈武揚  
義旗兩都收復定衡山早去歸

淵

靈

歸



宣公陸敬輿

諫草數百章煌煌懷仁義上以沃主心下以行吾志奉天解重圍反側銷氛氣彤管筭俎間開闔盡如意三讀改元文學術弘經濟

晉公裴中立

夜半定蔡人李帥謀何迥裴令將天威電發轟雷動乾綱一朝振諸鎮皆神速明明此蔡功非斷誰能勇河北仰宸嚴輝輝淮西頌

嚴暉

齊書 沈太史全集中水雲

國朝名臣贊

宋王十朋

寇萊公

嗚呼萊公相我真宗契丹南牧朝野洵洵群臣勸帝幸蜀江東微公決策天下其戎百年無兵繫誰之功

韓魏公

巍巍韓公文武兼資相我三宗身任安危周勃定策霍光受遺古社稷臣公實有之非我仁祖其孰能知

勸



履  
將蓋將  
之詩

范文正公

堂堂范公，人中之龍。正色立朝，姦邪不容。材兼文武，躬履仁義。出將入相，十纜一試。真王佐才，用之未至。

富鄭公

巖巖富公，仁者之勇。危言折虜，神色不怒。公在使車，虜不敢動。公在相位，四夷稽顙。出入三朝，為國輕重。

杜祁公

維正獻公，相我仁宗。公在相位，私謁不容。苞苴不通，非道不從。封還內降，與權倖抗。公忠直亮，清白宰相。

歐陽文忠公

賢哉文忠，直道大節。知進知退，既明且哲。陸贄議論，韓愈文章。李杜歌詩，公無不長。當世大儒，邦家之光。

文潞公

太師潞公，勲高業隆。四朝元老，福祿始終。元祐之

歐 權

巖



軍臨

初太后臨極起公於洛平章章國夷狄來朝服公之德

趙清猷公

於維清獻典天之憲人呼鐵面發姦糾慝以正王國古之遺直吳蜀父老語之流涕公之治民古之遺愛

司馬溫公

宋二百年名臣輩出孰為第一咸曰君實田夫野老識其遺風至今猶語司馬相公以手加額涕泗

亡從

蘇東坡

東坡文章百世之師群邪所仇歛不及施萬里南遷而氣不衰我讀公文慕其所為願為執鞭恨不同時

蘇穎濱

賢哉子由賢哉子由忠言嘉謀聳動冕旒橫身政府不避怨仇棣萼聯芳皆第一流才不逮兄器識俱優

鐵

輩

歛

衰願

仇器

優



陳了翁

賢哉瑩中賢哉瑩中鶚立兩朝凜手清風二蔡嘯  
凶飾姦為忠黨與雷同牢不可攻公獨仇之折其  
姦鋒孤立不容身以譴終公乎不忘名等岱崧

王樞溪文集

宋四賢贊

明 沈懋孝

文正范公

江湖憂吾君廊廟憂吾民憂先天下重身名安可  
論直節震朝廷赤膽扶乾坤巖巖泰岱上清烈到  
今存

文正司馬公

舉念對穹蒼出言遵聖法言若媿此心堅持不敢  
發田間十五年召起萬民悅終身行一言至誠貫  
日月



文丞相文山公

忠臣如烈婦一死重於山宋社式微矣孤柱障危  
瀾生當忠厚代受恩三百年寥寥首陽節頑夫多  
汗顏

鄂王岳武穆公

長驅赴君父靈耻掃兇殘十季功就緒金牌一日  
間慟哭班師地鳴鳥為辛酸丹心耿如在墓拱枝

枝南

沈大史全集中江水雲縉編



亂 亂

麗賢贊

湯顯祖

孔子曰中道吾不得與之必也狂狷乎又曰色  
 厲內荏者穿踰之盜鄉原德之賊也鄙夫不可  
 與事君古之狂也肆巧言令色所惡紫之亂朱  
 利口者鄉原所惡鄉原人之意於父義深然緩  
 急常有以自解不肯死義無所藉婦人孺子觀  
 其父常惑之狂狷自循其質志不侵於父仲尼  
 裁夫斐然萬子曰孔子在陳不忘其初本故志  
 得數丈夫女人皆能護仗名氣非素有服命文

五十七



米之觀人人可振趨而能各為出其事實之

歐陽德明贊并傳  
崇仁人名徹年少美鬚眉善慷慨靖康初應詔  
言五十餘事為三巨軸即選力士肩行會虜大  
入徹曰我能口代金強於百萬師請質子女於  
朝身使寧廬人笑其狂止之不可乃走行在所  
伏闕呼曰李綱所謂大臣不可罷黃潛善汪伯  
彥兩人不可用陛下亦宜親總六師迎還二帝  
忠為人臣子弟之義止怒潛善等譖殺之年三

十三後止悟下詔哀悼曰徹乎忠臣也由朕不  
德使不幸不為良臣雖不幸猶為忠臣天下後  
世顧獨為朕何此朕所以八年于茲一食三歎  
不能自禁也命官其弟子壻賜田十頃卜宅兆  
招魂塗衣冠焉徹所著飄然集若干卷

哀哉德明為善近刑肉食端居布衣靡寧魂游故  
土人歌百身彼忘生父猶褒死臣

郭若虛葛賡鄧甯傳安羅士明趙均保徐宗  
儒等贊并序



欽采

諸君百姓耳能衛父母之邦第未改其時守者誰也

丈夫欲壯男兒貴奇苦矣諸君維桑是維民散日久衆正風移人不可遠瀕危始知

李天勇贊并傳

臨 張元

臨川人從謝枋得學為人尚忠義宋季元將攻饒州枋得檄兵援之天勇集義士應援大戰樂湖坪兵敗與張忠孝死之

大宋忠臣江南謝君有明自遠回戈赴援昏風普

翳素韻彌鮮明知不反庶見中原

萬氏女贊并序

樂安曾氏婦生三女長者尚未之人幼才笄耳至正壬辰之亂聞寇且逼三女登堂請於母曰事已至此不敢負母教願自裁母笑曰我乃後之矣乃作酒共食交拜為壽已則相為結束並經于舍北松樹下人呼母子松歌咏之孔子曰民之遠於仁也甚於水火水火吾見蹈而死者未見蹈仁死者萬氏女豈不蹈之哉

長 寇 敢



曾家庶美，不辰是逢。堂堂告母，同清厥躬。彌觴慶  
許，拜別從容。人歌人舞，瑟瑟青松。

董官貞贊 并傳

樂安王泰昌之婦，六七歲時，其姑再醮而歸。官  
貞即不出見，見則掩面。姑問之，答曰：「安有婦人  
再共人臥，不羞死邪？」姑大罵曰：「婢子，汝何知且  
見汝異日為孀時也。」官貞曰：「我固不孀，就有之，  
定不效姑為也。」後嫁太昌，太昌果死，官貞才二  
十二，無舅姑兄，孑子女。官貞呼天大哭，欲絕。旁

婦止之曰：「待姑姊妹之臨。」官貞曰：「吾不忍見吾  
姑也。」遂自經死。家人合葬之。孔子曰：「其言之不  
怍，則為之也難。」官貞不怍其言，豈不難矣。

董得嘉名，名曰官貞，豈緣渭濁故作冰清。凡今之  
人，盡謂老成，誰言季女。一誓無傾。

本州良吏密佑贊 并傳

廬州人，宋末都統守衛也。德佑元年十一月，元  
兵逼撫州，制使黃萬里，給都統遠迎敵，而棄城  
遁去。元兵夜壘，見都統兵，問曰：「鬪者乎？降者乎？」



雙處

執

戰

壞

健

都統屬聲應曰闕者也才合而元兵圍之數重  
佑面中數矢拔去疾戰環視麾下才士數人耳  
佑復輪雙刀出其十數人者南走所戰處忽陷  
被執元將軍曰義勇人也命佑子訖降之佑叱  
曰我死汝第行乞于市云我密都統子也誰不  
憐汝者竟不屈死其戰處為進賢龍馬坪有廟  
余往來豫章未嘗不拜祀徘徊悼慕焉  
我生實逢外內無戎閔然不樂懷思密公天舟去  
海胡騎蔽江身為健者有闕無降問棘郵草

浦陽五賢贊

并序

戴良

天地之間有至鉅而無配者道也人能心會而  
身履之口誦而書存之則必浩乎其大巍乎其  
高淵乎其深非江海而潤非雨露而澤非日月  
霜雪而光華巖厲其所著見于後世者固將弊  
穹攘亘古今而不窮貫金石蹈水火而不滅矣  
余嘗考之於經稽之於史求其如斯  
人者恒曠數十世而一見越數百里而一得浦  
江有縣歷年至淺而受地至狹非有數十世之

履淵弊

壤

狹



忠  
忠  
忠

康  
康  
康  
迎歸

稱  
稱  
稱  
淵哉

久數百里之遠而乃得其五人焉何其盛哉五人者曰孝子陳公助教節愍二梅公忠惠王公待制柳公也孝子不知何時人能服勤孝道當二親之亡哀哭弗輟以衰麻終其身每即墓奠肴果烏鳥為之不啄助教當守宣和初攝處之松陽丞已而盜發青溪東南諸郡縣咸望風橫潰公獨嬰城自守以死殉國節愍於靖康之際為戶部尚書當金人入寇劫質天子竟乃不勝忠憤率眾數十萬謀夜擣其營迎歸二帝事泄而死忠惠克明正學歷疏諸經及登嘉定甲科遂以及人為務立朝居郡綽有可稱勁節高風至今熟在人口待制問道文安金公上邈朱子之學亦既身逢盛世以文華國四方學者稱之至與虞揭黃三先生齊名嗚呼五公之卓卓如此豈非所謂有道之士哉豈非所謂浩乎其大巍乎其高淵乎其深者哉使其大施諸用以殫夫潤澤光華嚴厲之功其所著見可勝既哉雖其不克大用亦弊穹壤亘古今而有窮貫金石



蹈水火而有滅者哉如良者固不足以灼見五  
公之所蘊然觀陳公之事親則未嘗不稱其孝  
觀二梅公之事君則未嘗不歎其忠觀王柳二  
公之為人則未嘗不慕其學以稱其孝歎其忠  
慕其學之心可無一言擬諸形容哉借令曠數  
十世之久越數百里之遠猶將低徊企想以稱  
述其萬一而况近在二百年之內百里之間哉  
昔梁肅李華之於四皓也時之相後如是其久  
地之相去如是其遠及作為贊辭以致歎羨之

意識者尚或稱之良雖不敏既獲親出五公之  
鄉接其風聲氣澤而頌聲不作人其謂何用敢  
勉竭駑力各為贊一章以朗前人光韻之美以  
伸後學嚮慕之私然以孝為百行之先故用陳  
公為贊首自餘四公則從其世次而列見焉

孝子陳公 太竭

倬彼孝思天經地義我公履之式昭厥懿無父何  
怙無母何恃公於斯時病殷痛鉅乃號穹昊口無  
停聲月益歲增有悼其形衰斬三年古訓是程曾



不為就終身乾、人亦有言、孝行之至、可通神明、  
可感異類、粵惟我公、天相乃志、有果每陳、烏鳥颺  
公昔秦顏生、同出其鄉、亦以孝感、烏吻為傷、公雖  
後起、其德則似、令聞令望、曷其有已、千秋萬祀、永  
稱孝子、配彼顏氏、

助教梅公

落

咨爾梅公、溫、而恭、恂、而忠、有大雅遺風、遭世  
中危、遵彼寇鋒、牧連令道、以公折衝、公謀既決、遂  
往式遏、乃以柔、和化為猛烈、亦既載旆、亦既建節、

且首

如火之焚、如水之裂、力有不支、猶驅義師、怒目張  
膽、以死自期、曰身可殺、義不可虧、帝曰爾落、古之  
烈士、肆命之、遂併祿其子、以愧蚩、而惜一死、人  
誰不死、貴合義、惟我梅公、以死柱世、前聖有云、殺  
身成仁、夫豈彼人、而盡不聞、

節愍梅公

執禮

于彼出曰、其光燉、妖氣一襲、天地為昏、有隳、罔  
然、勢豁九門、飛廉不將、天步斯也、宋有社稷、繼五  
季而國、不知不識、咸順帝則、彼豕忽突、大邦為敵、

日



血戰未息，二帝奄北，矯々梅公，從此奮激，指心誓天，願出機先，手除羣穢，捧轂南轅，既秉我錢，既脂我牽，致天之罰，則莫我敢過，如彼颶風，其勢發々，將掃氣昏，陽光有赫，事泄群庸，力屈強兇，生義死忠，嗚呼梅公，

忠惠王公萬

攀々王公，碩學粹行，以道律身，以德施政，輪對之明，見之於立朝，宣化之美，見之於為郡，帝嘉乃烈，俾居言責，獻可替否，疑々額々，諸史之罪，上通于

天，奏章一抗，正氣凜然，不忍澆季，老奸擅世，遂舍而去，流水莫繫，帝謂王公，有遺宜之風，錫之土田，以旌其志，至今言者，猶為震蒸，在宋嘉定，士俗靡振，公獨屹然，進退以正，其進也如振鷺之在庭，其退也如飛鴻之入冥，逸類超倫，舉世未聞。

待制柳公贊

朱學之傳，至于文安，四葉餘々，公得其師，猶水有源，際茲休明，儒雅勃興，乃以所狹，揚于帝廷，帝嘉其能，俾居縉紳，與鴻碩為倫，莫之與京，於樂辟雍，



關 往掌 關 弛

曰公是宗髦士三千于而後頌臺有禮公計右  
始侑明文治成我皇之志大江以西政闡教施武  
子之澤一墜于地公往化之有若時雨歸卧窮山  
垂十五年流水公住浮雲往還鋒車荐至乃掌帝  
制惟公出處閱時隆替出與時行處與道俱條爾  
岐陽之鳳忽鳥空谷之駒千載曷窺蜀山山魏

天奉章一於五原無不為子會也  
九靈山房集

故元筠軒三峯二唐先生遺像贊

明 程敏政

師

以天倫則父子之親以道學則師生之義蒼顏高  
古類橋梓之凌雲和氣雍容如鳳凰之瑞世惜乎  
教成於國而不獲棟宇明堂私淑諸人而不獲鳴  
乎盛治然遺書所載一皆仁義之言流慶所鍾迭  
產芝蘭之裔生雖隔乎古今圖幸瞻于光霽嗚呼  
此殆謝賓客而燕處于家庭之時抑將進諸生而  
講道于書堂之際乎

際

筆 敬 又 存







贊海

十四

名賢合贊  
名媛

海之如來

再校定

二卷合三十三葉二行

舟政

二十七日十七行

十一月廿三日

二月廿六日

三月

三月廿三日

三月

三月廿三日

三月



贊新

十四

贊海卷之十四

像  
名贊合贊

開國功臣贊

明王世貞

夫天柱折則棟石之勲始昭地維崩而斷釐之  
 業斯偉姚姒揖遜湯武征誅厥德懋矣功亦選  
 焉然而澤有因漸用惟勩哉夫使虞不發庸僅  
 淺放勲之化受早殂落或衍微仲之仁宇宙自  
 如日月未改然猶謚為帝王鼎甲今古而乘時  
 輔弼佐命之士五臣十亂次者夔龍爰遠伊陟  
 載在彝釜炳於旂常天下詩謳而書誦之迄於  
 今不衰若乃兩儀混而乍闢七曜昏而復昭掃

亂  
魁



百葉之遺腥。運九有於再造。魏乎如天。蕩乎難  
名。則孰有幾。我高皇帝者乎。古稱大人。雲蒸龍  
變。股肱心膂。奔走禦侮。不亦茂乂。林林哉。是故  
聯百萬之衆。摧陷廓清。如六飛在御。靡所不被。  
此則中山氏之所以開帝統也。批擣磔裂。前無  
銜敵。卻掃千里。血流漂鹵。此則開平氏之所以  
揚帝威也。給漕饋餉。軍行無乏。創立章典。衣被  
黼黻。此則李韓氏之所以熙帝業也。推測象緯。  
籌算帷帳。群力自歸。獨智潛起。此則誠意氏之

所以贊帝謨也。他或入備鼎鉉之寄。或出膺干  
城之托。或冠冕藝林。或儲胥方隅。靡不推鄙躡  
陸。頰絳超灌。於乎盛哉。余以三吳蟻蠓之蛟。誤  
忝簪履。端委熙朝。概頗牧之英聲。則撫解思奮。  
仰晏子之嘉謨。則執鞭頽馭。嘗遊鷄山。覩丹青  
之績。已而獲駁奔太廟。觀配位。徘徊悵慕者久  
之。爰序所懷。人別為贊。庶幾揚班袁陸之首。凡  
三十三人。曰太傅中書右丞相征虜大將軍魏  
國公中山徐武寧王達。太師中書左丞相韓國



李公善長中書平章軍國重事征虜副將軍鄧  
 國公贈太保開平常忠武王遇春御史中丞誠  
 意伯贈太師劉文成公基大都督朱公文正征  
 北將軍左都督曹國公岐陽李武靖王文忠征  
 戍將軍右都督衛國公寧河鄧武順王愈左都  
 督信國公東甌湯襄武王和征虜大將軍太子  
 太師宋國馮公勝征虜大將軍太子太師穎國  
 傳傳公友德征南將軍西平侯黔寧沐昭靖王英  
 中書平章政事越國胡武莊公大海中書平章

政事鄭國廖武閔公永安德慶侯永忠同知大  
 都督府事魏國愈忠烈公通海南安侯通源越  
 雋侯通淵同知大都督府事泗國耿武莊公再  
 成長興侯炳文親軍都指揮使高陽郡侯韓公  
 成同知大都督府江陰侯江國吳襄烈公良同  
 知大都督府事靖海侯海國吳襄烈公楨親軍  
 副都指揮使濟陽郡丁公普郎樞密院判東丘  
 郡侯花公雲同知大都督府事鞏昌侯陝國郭  
 宣武公子興左都督武定侯營國郭威曩公英



靈

定遠侯王公弼翰林學士承旨兼太子贊善大  
夫宋文憲公濂翰林侍制贈學士王忠文公禕  
御史中丞章公溢征虜大將軍太子太傅涼國  
藍公玉中書左丞相忠勤伯汪公廣洋大都督  
府僉事樂浪郡忠襄公真贊曰

九有中摧胡風代扇推衽滔天腥涎比甸坤覆乾  
承州凝嶽萍未教凌夷眾雄髣髴三山鰲擊大陸  
龍戰天篤高皇神武丕憲靈玟示符赤蛇棲并江  
介初啓神州攸奠紛梗削平游魂遠遣重朗日月

驅朽壺

先驅虹電功超五始樂成九變桓桓中山寔為帥  
首黃鉞載麾駝金壓紐批漢無堅拉張若朽齊洛  
角崩秦燕指授玄黃爭屬壺箬漸後廟無移簾室  
不改節永綏舊都啓我元后帶礪常新蟬貂世子  
堂堂韓公國之老成托契藩幕遂冠時英蕭規喬  
謀是碑是馮開物創典壽為法程惜哉就殂上應  
稷冥孰是克終鑿厥初誠糾糾開平有力如巖豈  
不懷恩真主必歸殲諒禽誠若俯拾遺校矣擴廓  
晨軍余師一矢騰服萬馬皆披蒲類北填遂奪燕

執



艾河魁告殞百身冒追英英劉公卓識朗詣洞往  
千載知來百世人謀鬼謀生天生地力贊安攘默  
紆真秘揣敵陰符懸捷兵氣定鼎卜洛仰禪天計  
相排雖切主恩母替返駕青田遺榮芝桂行行文  
正受賑國門親則猶子地寔維藩提衡弱矧抗闕  
鯨奔真王剖符爰發后昆終言不令國以永存帝  
乙歸妹以產岐陽有卓岐陽英武夙章作鎮於嚴  
膠虎是將擒梟下雄斷臂扼吭北逐亡胡至止應  
昌名王閼氏纍纍就降振旅敷文禮讓輝煌烈烈

寧河有燁其眇遇大則勇無衝不先始畧江淮遂  
平漢沔勃律收虹崑崙回轍中道奄淪八州流唁  
懿懿東甌龍潛誼定三吳席捲七閩波靜平蜀師  
還功存不競始冠徹侯終膺九命陰諧帝志釋兵  
休請幾失彭英恩踰賈鄧矯矯宋公玉立而武克  
紹哲兄牙爪心腑宣力中原揚威大國僭珪上公  
戩茅殷土丈人之吉以忝征虜天愛西南乃生穎  
國惟穎之雄開平是則喑鳴震盪兆衆辟易劍閣  
中夷昆池永闢碧鷄再鳴白雉重譯豈不崇封帝



機權

歸路

賴鐵

靈 戰 虧

樞

省其籍於爍黔寧威均皇胄豪鷲神啓機權中秀  
 玉關師出葱嶺衝仆移兵佐穎樹績留後六詔稱  
 一百蠻歸湊筆路雕編熊莊何陋世裔開府若若  
 兩綬武莊長身頰色立鐵橫梁雄呼濤偃山裂作  
 鎮婺邦襟控全浙峻猷垂念狂刃中發北應神光  
 靈昭殄滅鄭公宏畧飛舫大江首定集慶如漢關  
 中戰深陷敵矢義就終遙封未享馳澤難弟鄱陽  
 師軋日月虧蔽陸舟橫擣百戰彌厲迴旌西指岷  
 蜀崩潰帝訓昭回垂耀千祀巢湖之艦威均六師

倚歟號公沈算先幾委力劬瘁伏節驅馳南安越  
 萬寔克繼之蟬纒並曜戰垣差池簡簡泗公果毅  
 能整入贊樞衡出莫越嶺匪昧衣衲需泥在頃適  
 萬象賢孤誠愈秉疏勒長興敵惜曷逞為况為龔  
 丹青彪炳彭湖塵勁嶽坼天吡列宿徘徊神龍泥  
 淖兩賢既厄六奇誰效高陽眩敵王服死告伋子  
 齊貞紀侯肩耀良既駿奔禎亦鷗翔左提右挈草  
 昧王綱蜂屯乍堦鎧列餘皇嶽嶽江海載啓大邦  
 康山之祀普郎為烈捐脰敵舟橫戈握血太平既



屠花侯就殉披襟蝟射詈賊寔震神翁白首問關  
 嗣胤重瞳愴曠恩波握潤簪纓駢降汾陽之里陝  
 公既錫營公疊起一呼隕敵天顏為喜平漠較窟  
 探胡虎子匪藉椒房再膺彤矢定遠驍魏戎行高  
 揭一騎衡颺雙又環月迅若流電搏如沒鵲南掃  
 不毛北逾窮髮穎穎佐涼名收九伐恂恂宋氏德  
 言君子煌煌辟書東觀昉啓帝輯華裘女其粉米  
 鷄林波譽龍池炫美天漿御調鑿駟噉止華川之  
 彥時稱厥匹雄博川淵天謨甲乙窮編奉使幽憂

深室賈辨未終鄙烹永室鴻為章公鷹揚其猷虬  
 鬣戟張稜稜紫眸再集鄉旅過懲寇仇出入風裁  
 三事允脩灼灼藍公雄威蹀躞烈火騰崑霜華吐  
 萼西極龜莎南收羗笮渾邪授首旌旗絕漠碣勒  
 推班侯封比霍廣洋幹敏帝曰良哉三入中書再  
 長西臺拮据吏道控揣時才貴極生驕功成不賞  
 崇庸懿烈寔委草莽曾如濮侯義不二君剗腸若  
 飴不涅島氛陵厲秋日霽靄天雲翼翼諸賢真宰  
 所私力佑元氣汎滌妖霏惟昔禹功河洛瞻思嚮



微管仲左衽其歸崇關巨塹內華外夷九原可作  
斯人庶幾并州人稿

國朝開國功臣六王贊

明黃輝

於鑠高皇載闢万方嗣續帝紘恢廓皇綱滌彼腥  
穢復我冠裳乾坤再造日月重光孰克翊運爰有  
六王中山首帥拯我魚麗惟

皇受鉞蹈厲以麾權吳如落拉漢若遺費燕感秦  
成功不遲載啓齊浴中原永綏節制能謀元勳首  
推

闡平蓋世植桓其武義旗首倡用識真主陷堅前  
蒙先登披羽誓諒以蠶縲誠以組奮臂燕支前無

復

摧感

前高



寧氣干  
撫  
臨  
龍

臨  
臨

勁虜載揚其威如羆如虎  
卓彼岐陽帝妹所種烈烈英風吳楚景從維嚴作  
鎮窺牟道蹤槍滅澆豷貫頤洞胸開拓漠朔絕幕  
摧鋒婉漢征虜文雅雍容  
寧河魁梧勇畧赴々猛氣生風壯志干斗始畧江  
淮克敵罔後繼清漢河偽命授首歷鎮八州楊謙  
靡咎追謚武順帝心所在  
東甌舊好潛龍所乘三吳席捲七閩波澄長驅蜀  
漢善謀慮勝功冠七萃服膺九命既戒亢龍終亦

令譽永保休美追蹤賈鄧

開

寧權開  
變  
揚  
帶  
顯苗

於惟點寧機機權中秀王闕推闡葱嶺衡仆移兵  
仇穎樹蹟留後五溪底定百垂來鞅世作外藩厥  
功實茂凡此六王成功最章雲蒸電擊虎視鷹揚  
風櫛露沐以奠金湯劬垂帶孺績表旂常劬績既  
茂我祚用昌名顯當時澤流苗裔日月□光風雲  
符契錫祚配祀與國弗替

皇館鴻章



游 彈 輩

當高皇帝之南下金陵也。西則疆漢耀兵於上，游南則狡周蓄謀於肘腋。披輿圖而指皇業，僅一彈丸。登鍾陵而盼四垂，皆吾敵國。天眷有德，俾承相宣公信公輩諸熊羆之士，不二心之臣。以為羽翰股肱，然奔走寔繁，而籌策猶窘。時則有若資善大夫護軍御史中丞弘文館學士太史令誠意伯贈太師括蒼劉文成公基字伯温，首膺辟書，遂參大計。天顏甫接，默徵慶雲之祥。

浙三大功臣贊 明 王世貞

*[Faint bleed-through text from the reverse side of the page]*



笑

往

誇

將

欲

肅

樞  
折

挾

算

蕩  
屬  
戰

囊

御座不拜遂輟龍鳳之號至於運籌奏笑授算  
遣將推步則周天掌上指攜則千里目前語無  
不讐往鮮空返子房之在三傑獨推天授曲逆  
之誇六出尚慚鬼謀垂拜相而力辭有餘讓矣  
甫歸田而論事有餘忠矣自公之歿且八十載  
而為<sup>已</sup>已治極而疵孽牙其間逆胡孽至將盜  
蝟起當六飛北狩之初獨群小南遷之議泥馬  
迨於汗踵銅駝亦垂蒙棘物情競變大事欲非  
時則有若少保兵部尚書贈太傅錢塘于肅愨

公謙字延益入贊樞庭受知黼扆出片言而折  
利害捐百口以定安危九鼎沉乎如山萬姓因  
之奠枕乃若受服節鉞擐甲郊畿温言拊循士  
如挾纊振臂一呼瘡痍盡起温禹日逐之羣既  
弮突而爭進忽狼戾而反奔然後勵精臥薪開  
誠推轂軍事旁午動中機宜尺書所臨咸驚廟  
算以故羅施鬼方之域牂牁夜郎之黎雖叛者  
九起而蕩平相屬戰龍甫戢玄黃之血未乾飛  
羽向寧赤白之囊自鮮身危震主禍發殺機長



謳告逝母忝廣陵之彈恩綸繼褒獲返關西之  
 蘇所云功首豈亦有臯耶又七十載而為己卯  
 宮車數出元良靡建田蚡內訐受淮王之金錢  
 吳澤外窺應東南之反相屠僂大吏闌取連城  
 輕兵豫章直指建業挾中貴人為內應說大將  
 軍如發蒙人憂土崩內思外濟時則有若新建  
 伯兵部尚書兼都察院左都御史贈侯餘姚王  
 父成公守仁字伯安飛檄勤王建牙誓眾組練  
 千隊艤艦萬艘探虎穴而虎子成擒掃鯨鯢而

鯨兒授首二陵絕烽烟之警六飛無銜檠之虞  
 至若贛泃肅清絕二百載之逋嘯田寧拊循寬  
 十萬人之誅夷或窮搗如絕明或持重如充國  
 又武為憲動止有神夫誠意之運籌則留侯之  
 智也太傅之靖難則汾陽之勛也新建之戲亂  
 則條侯之武也然而皆浙以東西人也浙水秀  
 薄山亦如之其人儒雅外飾趣利畏事蓋自古  
 然矣三公駿發衿裾之末鶚擊文史之場吐風  
 欲雲補天刊地旂常日月帶礪河山不亦壯哉



游吳

未習曾烏得而囿之余小子叨列旬宣薄游吳會循覽往哲有概於中因為之贊以昭其盛其

辭曰

倅

帝闢石門下為青田藏倅宛委產富胎仙天目之

臨雲

山苔水出烏萃於臨安龍蟠鳳鸞中為禹穴萬靈

虛覆

攸旋深山大澤是鍾三賢烈烈誠意沈幾卓識遁甲孤虛支離覆逆神謀鬼謀超契紉跡鄱湖鬪龍

波立天圻公出其奇以脫龍厄飲漢沼吳收都蕩磧濯沐三靈股掌八極孤誠自信陰邪從匿蹇蹇

樞

肅愍盡瘁旬宣綏晉及周十有八年晚贊中樞力

折群奸竄如砥柱以奠播遷折筮匈奴飛檄黎蜚黃屋長尊紫蓋不愆文武吉甫萬邦為憲嗚嗚背

憎匪降自天百身曷贖九有稱寃赫赫新建秉此

懿德古訓是式式是百辟王命作牧爰靖南國漢

池若洗崇山遥擘滙起豫章窺覩洛宅公興義師

搗其肘腋日月歟蕩湖波腥赤獻俘廟社書勛冊

帛凡我三賢起自書生師望鷹揚風后徂征疇謂

尊俎乃有奇兵開儀混元浴曜滄溟勝繇天定功

蕩







潭忠節侯淵都指揮金鄉王忠壯侯真後軍都  
督府都督同知安平侯莒國李忠壯公遠中軍  
都督府都督僉事武城侯漳國王威毅公聰前  
軍都督府左都督永康侯蔡國徐忠烈公忠後  
軍都督府左都督豐城侯茂國李剛毅公彬征  
西前將軍中軍都督府左都督武安侯漳國鄭  
忠毅公亨保定侯滕國孟忠勇公善駙馬都尉  
富陽侯景國李恭敏公讓駙馬都尉廣平侯沂  
國袁忠穆公容中軍都督府都督同知成陽侯

潞國張忠毅公武泰寧侯靖國陳忠襄公珪鎮  
朔大將軍大保陽武侯鄆國薛忠武公祿平江  
伯陳恭襄侯瑄少師隆平侯鄭國張襄僖公信  
太子太傅征夷將軍安遠侯融國柳襄愍公升  
兵部尚書兼詹事府詹事贈少師金忠襄公忠  
太子太師掌戶部事贈湯陰伯郭忠襄公資少  
師吏部尚書贈太師蹇忠定公義少師兵部尚  
書華蓋殿大學士贈太師楊文貞公士奇少保  
戶部尚書贈太師夏忠靖公原吉少師工部尚



參

書謹身殿大學士贈太師楊文敏公榮左春坊  
大學士翰林院學士解公縉凡三十三人皆文  
皇帝壬午將相也或策勳戡定或奏績毗亮或  
開拓荒裔或創遏強虜彬彬一時之盛哉于湯  
有光視代匪易參之中山諸公抑亦其亞也他  
若曹茹之達變柰李之先幾雖亦乘邁致顯則  
逕庭矣故不叙及贊曰

奮  
戰

於戲嗣皇力改為紀絃促柱迫帝遊英藩俾奮幽  
朔甲除君側鉅野龍戰玄黃其血靡膺不漬脩江

濟

既馮爰革大君廟貌無易改紀政教以彌天地混  
漭再闢惟我介子雄勇冠鋒所當靡敵為彰為憲  
而武不終卒以貴溢咨彼賢豪左右翼飛如構斯  
植有赫河間峻謨首倡以節狗堅爰貽定興崔巍  
如山突騎無前禹跡茫茫三廊南荒貂緜蟬聯矍  
鑠淇公首寄元戎崇封褒然握十萬衆以騁大荒  
與身俱捐東平靈武王略茂昭遂開土田筆路驅  
魑不吊大烈有象者賢懿懿恭靖勿弁其髡陰符  
戲兵誰哉鷹揚乃徠陳公用不於涇懋克繩武受

前  
荒  
靈  
驅

來  
繩



淵

豐

流

權

豐  
豫

顧

服寄齊、菴而簪纓、乘奕沐王、靖滇拓交、亦屏亦楨、  
 淵既冠鋒、真特百夫、而弗覩厥成、鎮遠回面、入猷、  
 出鈐、鬼方救寧、安平武城、信古名將、持重堅忍、受、  
 脅悍師、謀弗獲、選駢首、狂刃豐城、永康收勳、表創、  
 並寄留蓋、斲斲武安、雲中之績、牧尚是準、流流保、  
 定危身、果殺易名、斯允珪盟、冊府城陽、埒恩奕葉、  
 昌胤富陽、肺腑廣平、儷之亦克、戎賑憫憫、陽武萬、  
 雉如虹、為國儲胥、優優平江、萬艘如雲、為國乳哺、  
 隆平內哲、為龜為著、皇省厥圖、安遠外推、為虎為

貌、在交之墟、忠參帷幄、資贊轉餉、司馬司徒曰義、  
 士奇、弼諧青宮、原吉禪謨、榮出六奇、毋若縉一言、  
 屹然國樞、吁彼五臣、偃風傾陽、事取權濟、林林羣、  
 彥、畫笑畫笑宣力、以輔皇帝、雖績於家、而逆是取、峻命、  
 不易、豐亨豫訢、威靡不信、窮髮遙裔、皇帝殿坐、麟、  
 拔首耳、咸充琛贄、頤成之廟、上為太宗、羣辟列配、  
 豈伊不推、庸於烈考、龍變雲會、我陳雅詩、比於丹、  
 青、燦燁萬禩、

弇州山人稿



清樂地... 聖學迷宗... 昭代理學... 敬履冰臨淵... 國朝從祀四先生贊... 馮從吾

國朝從祀四先生贊

明 馮從吾

薛文清公

昭代理學公獨開先宗標復性崇正闡禪功嚴主敬履冰臨淵讀書一錄鄒魯嫡傳

陳文恭公

聖學迷宗人心馳騖靜中端視誰能解悟公也倡之如寐斯寤勿助勿忘願言趨步

胡文敬公

聖遠言湮異端蜂起惟公之學中立不倚錄名居

履淵



業近裏着已足。繼父清躬行君子。

王文成公

辭章口耳。聖道支離。公排羣議。獨揭良知。致之一  
字工夫。靡遺。虞淵取日。人心仲尼。馮少墟集

東文卷二

此處有模糊之文字，似為題詞或跋語，因字跡不清，難以辨認。

國朝從祀四先生贊

周如砥

有宋多士。五星聚奎。高皇受命。兆亦燦然。文不喪  
天。道未墜地。俊民輩出。彬々醇粹。循々河東躬行。  
敦嘿仕不為己。學不為人。落々新會。見其大者。遂  
謝羣詮。希情點也。翼々餘干。任重闢邪。居業不佻。  
賓巖有家。肇々新建。鏡機致世。悟辯無前。如風驅  
鷁。將德溫不足。伯安有餘。遵道通變。人如其書。公甫  
舍筏。淑心矩步。及聘君門。各守厥路。繩繩四子。俎  
豆相望。聖徒人傑。明以燁煌。愚懵於學。莫知所贊。



言就其深寤辟有嘆敬靜之能厥樞曰心聖狂幾  
布不敢服應

量銘酒章

天直未望此... 國陳... 王世貞

道

皇明紹天以儒為理有嚴辟雍孔子是祀六藝陶  
賢五經範士和蒸秀毓禮埏樂垣乃釀醴化乃生  
四子河津正學程朱是則儲思遺經忘寢忘食勵  
志躬修庸言庸德表樸含淳刊華謝色雖不著書  
時餘新得其語無奇其躬所及豈若世儒言豐行  
齋履難不回乘方罔忒世之矯節公之粗迹新會  
異姿發憤忘食廢書習靜守約指繁虛室生白忽  
啓玄閑應酬輾轉如馬就銜參尋稽討如水有源

華 豐 復 難

全字未  
押不疑



寓言寄興水月風煙舞雪陋巷遺風肅然餘干粹  
 德以敬為主懷表蹈繩秉規履矩其處家庭如在  
 朝宗其對妻孥如見賓旅居業一錄正詞粹語餘  
 姚大材以心為標宗仁堅義致我良知翹流窮源  
 沃本刊枝伊閩之學論久而支桂章枯句背義逐  
 詞抑外揚內公遠其時餘風不競橐為帑私學之  
 者過公則何疵不朽有三唯公兼之知道貴真行  
 道貴力行而不智師白日知而不行離朱暗室不  
 有薛胡孰崇實德不有陳王孰尚精識知耶行耶

為二為一合而表之為士作式濂洛增波關閩勗  
 色曾挈孟携升堂入室詮管陳詩景行無斁

皇館鴻章

翰林館課墓以此之為李名著作



國朝從祀四先生贊

明 莊天合

於惟河津源宗伊洛主靜為基開闢啓鑰無欲則  
 定廣大虛明中心泰然何慮何營出處大致與道  
 終始凜烈風霜朝聞夕死綜其本末再闕之流醇  
 乎其醇藐焉寡儔誰謂明哲崛起布衣厥有餘年  
 千載所希季以修身功專靜密渾而一之內外心  
 迹操存涵養勿助勿忘心誠而敬行潔而方先生  
 有言壁立千仞吁嗟吾徒所望而震竅之新會無  
 待而興學緣懋悟心與靜凝妙養端倪虛涵罔象



註脚六經悠々浩蕩嗟哉方術藐爾支離辟彼騰  
蜂孰是孰非不有先生曷開後學庶幾坐忘顏氏  
之卓嗚呼新建天之所開為國柱石為聖胚胎武  
以濟時文以用世學術事功國無雙士矧彼精詣  
曰惟良知發揮獨得百世之師性命之宗禪定之  
孝千載是非一朝而確此語其平不與因之

皇館鴻章

國史五賢贊

明 沉懋孝

文清河津薛公

直道秉憲首抗橫璫召相三月去歸其鄉清風凜  
凜浩氣堂堂宋之司馬漢則嚴光

文成陽明王公

抗章劾瑾犯彼狂瀾起總外憲謀此逆藩朝規未  
下獻凱其遄隆中渭上曾次綽焉

忠肅少保于公

駕出虜入居守獨公排遷主戰屹然乘墉精忠苦



靈

志身殞名榮宗社泰山伊誰之功

誠意青田劉公

郁郁離離洞靈韜奇佐命幃間應變持危子房不  
名匪相寔師飄然拂衣卓哉沉幾

正學天台方公

才叅王佐學為帝師金華之派軌度程朱湛其九  
族忠肝炳如天下宗周誰歌采薇

即上首沈大史全集

華軌

王文成羅念菴二先生贊

有序

自文成倡良知稱說者盈天下矣先生曷嘗隱

索獨倡苟為異而已祖諸孔禰諸孟不得已也

孔子嘗專言知而孟子特言良軌近世治襲宋

元流弊至於舍本騫末心塵塵而道冥冥哉先

生欲為救弊寧不徹藩而更其鑰顧其見超其

語爽學者一寓耳目如屏濫竽而聽雅瑟穿曲

徑而囑高臺有不忻然暢豁然惺耶然其始訖

醒

倡禰

專軌

鑰



也。語心體而遺工夫，其又訛也。併心體而昧之，不以良知無不知，而以所知無不良，引物隨便，心動知萌，際謂天則，而經籍典訓，反為糟粕。曾不知支離於經典者，足以障理，而經典之理，何嘗障心。嗟乎！一先生言耳，甘惰者安為窟，惡檢者倚為障，騁機者藉為駕，而戒慎博洽之儒，左矣。羅念菴憂之，嘗教學者曰：陽明之教本之孟子，孟子嘗以入井怵惕，平且好惡，孩提愛敬為證。然言怵惕，必以擴充繼之；言好惡，必以長養

繼之。言愛敬，必以達天下繼之。其意可見矣。蓋文成本獨廊孔孟之傳，而羅公又善傳陽明之教者。後學徐君夙膺二先生特像祀焉，命予序而贊之。贊曰：

大塊有靈，人得為心。生機妙明，徹古徹今。苟失其良，是謂人禽。羣聖迪蒙，六籍開襟。天經地緯，萬象林林。約禮歸一，神解攸尋。世儒質質，枝葉浸淫。亂山多歧，側徑崕嶽。東越有哲，察脈施針。直啟捷塗，懸曜披陰。天下爭驚，龍駒駉駉。有黠者徒，負瑕飾



琳狂奔橫驅顛覆不任言高蒼蒼內媿影衮吉水  
名儒蒿目沉沉大匠施椎大冶鎔金九達康莊六  
轡如琴至寶燦然巨欸莫侵我懷其人于中欽欽  
有愚若顏有唯若參嗟彼世學鑿空穴深雅拜二  
氏輻輳冠簪誰為嚴師宣尼汝臨靈府有醇自酎  
自斟馮元成集

此詩見於馮元成集卷之六十一  
又本國詩以爲此詩之入此集者  
蓋以言變於公之卷六十一  
入其真也其詩曰

執苑四杰贊

獻吉李公

明 沉懋孝

四瑚八璣周鼎高彛陳之清廟俎豆交輝冀莒時  
呂赧赤烏施若非大雅我黨曷歸

于鱗李公

高華清烈盡洗俗障康樂倚中長庚不讓惜矣無  
年遠轡未暢峨山雪嶺為公傳相

升菴楊公

竹牒探竒玄亭構思胥臣把臂子雲胤遺滇南萬



藻

華 猷

里歸轍無期留風剝藻彼裔安知

弇州王公

潤

大海迴瀾紫芒貫日潤筆宏才精心著述有猷畢  
收無文咸秩化實以華金相玉質

華中書沈太史全集田  
亦曾精編

四卿贊

有引

明

葉向高

四卿者林文安公與其嗣康懿公文僖公及文  
僖之嗣文恪公也四公清標偉烈紀在國史海  
內稱之若文安抗節于權閹康懿取整于永嘉  
文僖遠跡于分宜文恪杓鑿于江陵父子祖孫  
先後一轍夫寧世貴實惟世忠王謝崔盧力茲  
茂矣高山景行千秋在念矧不佞生同鄉邦夙  
欽標範者哉敬拜手而為之贊贊曰  
國重世卿鄉貴望族爵寵非華象賢維穀閩山盤

權

華



糾代多顯庸。三世四卿鬱稱林。宗烈哉。文安詞垣。  
展采教闡成均。恬垂十載。閱伐騰懋。于兵于銓。攘  
兇剔蠹。多所犯顏。義折逆瑾。濱于九死。孤忠獲全。  
天報以祉。康懿繼起。亦忤永嘉。暨口將作。冗耗力  
此。帝問誰子。尚書其父。咨爾直躬。先世遺矩。歷官  
惇恕。所至民懷。賚及懸車。終始無猜。英英文僖。接  
武東觀。軌齊兩雍。氣鎮諸叛。憾我者敗。司空殫勞。  
中涓焰熄。關吏戢饗。既晉春卿。歸來是亟。情捐技  
求。學人嘆息。歷世貴聯。家橐蕭然。文怡承之。素風

鮮。幾擯王門。兀居自守。狂飈溘徂。于世稍偶。侃  
侃經席。再尼讒夫。一辭南國。遂喪鴻儒。古稱世祿。  
由禮乃鮮。四公提提。勅躬黽勉。世競善宦。與時趨  
趨。四公秉勁。風霜不渝。世祿易隕。善宦多敗。不抗  
不阿。台階坦遂。端佩聯轡。百年清夷。盛美曷追。悠  
悠我思。

蒼霞草







霞  
煥

力微矣。我國家龍興江左，虎視燕畿，雄文鉅典，霞蔚雲蒸，英華瀉而復振，聲律弛而更張，曜乎似燭龍之朝煥，沛然若時雨之春濡。宣宗世廟之間，得人於斯為盛矣。是故力挽古運，鬱然特起，闢邪反正，掇彼清音。此則獻吉氏之所以開其基也。材師節制，意匠經營，聯詞波屬，比響樂臻。此則仲默、昌穀氏之所以翼其功也。設架陳衡，金聲玉振，志深筆長，色華義核。此則于鱗、元美氏之所以啟其疆也。組經織史，並雅追騷，雕

歐

淹  
操

藻  
靈

琢瓊瑤，剡削梗梓。此則宗吳、徐梁、汪歐、盧屠諸君之所以承其後也。他若擅七發之奇，跨五言之秀，或優游芸閣之中，或淹伏草茅之下，操觚寄興，搦管脩詞，莫不攄藻性靈，播揚歌咏。於乎盛矣。蓋亦時運使然哉。於是僕本株守之夫，管窺之見，歌廊廟之什，則思經濟名世，誦丘壑之章，則想煙霞逸士。均之於執鞭有當也。方今作者，亡慮十數家，挾景星而被慶雲，攀龍鱗而翔鳳翽。蒸蒸未厭，余不暇及茲。特揭其逝者十有

霞

蒸  
揭



六人、人谷為贊、聊志慨慕之私云爾、

李夢陽

巖巖北地、有昂趨、眇學無常師、材質盡善、攄藻烟霞、貫情寓縣、力挽頽波、震風攸扇、大人遙興、道存魯變、乃萬斯炊、乃百斯鍊、文章之勲、非公誰奠、所懷伊人、邦家之彥、豈不有光、脩名永擅、

何景明

通雅信陽、言攀其軌、寄思玄溟、驅詞炳越、義取師心、功期舍筏、苞薛孕徐、清而不澁、披榛來洎、鬱雲攸揭、文不在茲、疇臻濬發、如川之流、如芝之藟、志在揚蕤、施之則忽、譬彼經天、惟日惟月、

徐禎卿

淵哉昌穀、量宇霞標、高步騷賦、下視六朝、字搞綺穀、思逸風飈、播之愈芳、如蘭如椒、鑽之彌妙、如琨如瑤、倡予和女、鼓瑟吹簫、慎思夙夜、茂贊風謠、豈無朋友、迅駕齊鑣、游龍翥鳳、足喻逍遙、

李攀龍

昂昂歷下、表茲東海、日月孕精、鳳龍炫采、躍詞結

巖  
藻  
霞

溟

蕤

淵

蕭



言屈垣賈壘雙峨高雪九秋擊隼入遙郎序書滄  
靡怠出憲秦關儒風亮改齊國泱泱雪樓皚皚石  
則球瑯草爰蘭茝七子頡頏擠音千載

王世貞

大哉瑯琊文采炫然如玉朗璞如珠耀淵集成九  
奏納惟百川鑒明斯獻劔利則宣精願必探菁華  
靡指廣矣博矣杳莫之前厥有令弟奕焉後先翔  
則儀鳳屈則哀蟬盧生雪獄罔不稱賢

王世懋

英英小美江東夙聞弱不好弄長而能文追踪通  
績叅妙機雲卓哉先生至性難群父寃伏闕雪涕  
悟君揚忠歸櫬披草求墳延津索劔玉女眠雲容  
臺叙禮旂常紀勲荆枝競爽桑梓舒芬

徐中行

猗歟天目茗誓之精龍衮比象金石擬聲累篇冰  
渙片語神驚沃焦導海注之不盈中原採菽匱而  
彌生濟濟多士伐木嚶鳴或揚河朔或表上京四  
方其訓綽有令名青蘿遺館曾孫不刑



願 遊 繡 求 柳

梁有譽

公實玄邈、伊惟文獻、比部何加、銓曹匪願、願謂友  
生、予其肥遯、槩尊自娛、文史尚論、惠風渙水、丹榮  
施蔓、鏤腸九迴、繡舌三寸、貯妙帝江、結芬楚畹、流  
落海隅、曜奇鍾萬、求名得名、柳又何怨、

宗 臣

翩翩子相、整轡時髦、長風策足、黃昏總旄、撓之不  
濁、覽之彌高、不濁伊何、廣陵之濤、彌高伊何、帝丘  
之毛、飛泉漱液、玄珠吐毫、國庸銘鼎、識解佩刀、秀

曷 操

而不實、蒸嘗曷操、庶幾自慰、漢詞楚騷、

吳國倫

臨

度 瀛

武昌都良、鑒臨神王、昌彼八區、振衿高望、律不死  
陳師無逸、放在磨豈磷、在皓難尚、智瞻才弘、心遠  
度曠若汎、蓬瀛如登、崑閬何必、秋旻乃稱、散朗群  
芳繼彫、巋然後往、巴陵洞庭、鬱相雄壯、

汪道昆

邈哉司馬、侃侃風色、雖際干戈、猶流翰墨、墻宇有  
高、河漢無極、羲仲玉衡、較人水織、噶噶厥聲、振於



關

歐

參

淵既

歸

旁國匪有鴻鋪代興誰翼始鎮閩邦夷用恩熄再  
理鄖閩政以文飾我思太函永言無斁

歐大任

楨伯踈朗釋褐博士躡跡梁徐參翔王李炳也有  
文泓然入理大淵既澄崇嶽斯峙蠻服靖懷鴻猷  
亮美粉署含香承明躡履德音不忘詎見其止長  
揖當途拂衣歸里杞逕蘧園人遐室適

盧柟

矯矯盧生猖狂使酒人惡其上士憎多口縣令醉

解

雁

屠隆

迎解冠卻走構繫黎陽獄吏評詔殘月園扉束書  
在手幽鞠放招超玄洞黜甯角無歌越芻久負一  
遇謝生堅貞乃剖存且罹憂歿垂不朽

靈區

解歸

緯真靈氣區騰芳譽若木烏棲朝陽鳳翥文不輟  
流詩何鑽慮乘筆千言江山匪助吐衲侯門避世  
郎署射影中人解冠歸去襍被宵遊梧桐瞑據三  
花齋粮二龍翼馭丹砂僊籍甘棠黎庶

馮夢禎



歸

軒軒祭酒絕屏世緣、偶爾鳴鶴、唳聲在天、遙跡鵠  
序、綴名御筵、遭時文厄、業晦不專、先生秉的、標映  
時賢、辟雍多士、歌頌而前、怨成積羽、賦就歸田、班  
荆蔭松、採桂奉蓮、道映丘壑、矯若神仙、

胡應麟

元瑞幼慧、厥懷儻筭、書研汲冢、義窮顧蔗、董園不  
窺、禹陰匪暇、戶外停車、花間並駕、長安酒豪、列侯  
坐罵、疇揭我先、誰居已亞、時有王公、黃金慰藉、崑  
阜剖玉、和氏辨價、德積有階、名齊王謝、甲秀園集

齊杞梁妻讚

晉左貴嬪

遭命不改、逢時險屯、夫卒莒場、郊吊不賓、哀崩高  
城、訴情穹昊、遂赴淄川、託軀清津、

古詩類苑

軀險



紀鄣嫠婦贊

明 錢謙益

左傳載莒有嫠婦莒子殺其夫老託紀鄣紡焉以度而去之齊師至則投諸外齊人夜絕而登莒共公懼啓西門而出齊師遂入紀考杜注紡以度城者因紡纆去卽藏也壯哉莒嫠以一老婦人敵怨國君紡纆投繩報讐所天豈非節俠偉丈夫乎莒嫠太華周杞植妻時世未遠班固古今人表載二婦而遺莒嫠劉子政列女傳下及于弓人之妻周郊之婦而莒嫠無聞焉摩抄



此三行  
下

頌圖名氏翳然秋牕落葉颯然感懷作紀郭婺婦  
贊曰

莒婺老婦規報國君連紡緼敵莒子夜奔女娃埋  
海自悼其溺豈若此婺殉夫仇國孟堅失表子政  
闕記自非丘明孰炳青史茫茫宇宙繫此長繩忠  
臣壯夫盍緹而登庚子中秋二十三日

此三行  
下  
有學集

狂接輿妻讚

晉左貴嬪

津  
接輿高潔懷道行謠妻亦冰清同味玄昭遺俗榮  
律志遠神遼

古詩類苑



半  
蘇志

*[Faint vertical text columns, likely bleed-through from the reverse side]*

孟軻母贊

左貴嬪

鄒母善道三從成教隣止庠序俎豆是效斷織激  
子廣以墳奧聰達知禮敷述聖道 同上

古詩類



Vertical columns of text on the right page, including a faint title '齊義繼母贊' and several lines of vertical script.

齊義繼母贊

左貴壠

聖教玄化禮貴信誠至哉繼母行合典經不遺宿  
諾義割私情表德來裔垂則後生

古詩類苑



德

詩美傳林計未斷未齋垂限外走  
聖卷古外野貴計精至終繼世行合典越不費  
審議謝世贊  
法貴

班婕妤贊

魏  
曹植

有德有言寔惟班婕妤盈冲其驕窮悅其猷在漢夷  
負在晉正接臨颺端幹衝霜振葉



辭

班婕妤畫贊

晉傳玄

斌斌婕妤履正修文進辭同輦以禮匡君納侍顯  
德謙對解紛退身避害志邈浮雲

古詩類苑

漢魏六朝文集



讓  
辭

班婕妤贊

晉  
左丘明

恂恂班女恭讓謙虛辭輦進賢辯祝理誣形圖丹  
青名侔樊虞同上

古詩類

*[Faint bleed-through text from the reverse side of the page]*



Blank page with vertical lines and faint bleed-through text from the reverse side.

越國夫人練氏像贊

有序

頌

宋濂

天地之大德曰生夫生者乃天地之心雖陰陽之所運行有開闔慘舒之不齊然天地之心生而弗息者恒循環於無窮有如碩果不食則其生道已具其中俟時發榮挺然而莫之遏矣時至五代用兵爭強屠戮逮乎鷄犬是天下極亂之時蓋無復人道有能於其間不為氣運之所變遷而一念之仁有以契夫生生不息之心則其感石之速所以敷遺於後人者其澤曷有



既哉閩之練夫人諱寯建州刺史章公仔鈞之  
妻也。生而肉髮深沉而端毅。終日或不一咲言。  
且知識有絕人者。時閩王命公屯兵浦城之西。  
巖南唐盧將軍帥師來侵我。公遣二校請師于  
州。失期將斬之。夫人勸曰。時危民未靖。公事何  
斬壯士。公悟不問。二校逸入南唐。皆為大將。一  
則金陵邊鎬。一則上元王建封也。保大三年二  
月。南唐遣江西撫安使查文徽伐閩。取建州鎬。  
為行軍招討。建封為先鋒。橋道使奪其險要。已  
而建封焚外郭。八月甲子克之。公歿已久。獨夫  
人猶存。二校遣使持金帛遺夫人。并以一白  
旗授之。曰。吾且屠城。夫人宜植旗于門。吾已戒  
士卒勿犯矣。夫人反其金帛。并旗弗受。曰。君幸  
思舊德。願全此城。必欲屠之。吾家與衆俱死。耳  
不能獨生也。二校感其言。遂止。夫人之子一十  
五人。孫六十八人。多濟顯仕。而其後人繩繩相  
繼。位宰執。登法從。歷卿監。佩守令之章者。殆百  
餘人。嗚呼。何其盛哉。非夫人有以契夫天地生



生不息之心則其施報之厚未必若此之至也  
 原夫人之心渾廓昭融不限封域視一城之生  
 聚不翅如一家真有所謂仁者之量殃慶以類  
 大易之旨也夫人之後其有不蕃昌者乎其有  
 不絢著者乎昧者不知天之未定謂為善無足  
 倚是則天之生生之道絕矣夫奚可哉夫人二  
 十世孫存道以遺像求予贊予既質諸傳記以  
 序夫人之事而復為之贊曰

常女士之良筭而有歸建州之妻其德與齊建州  
 桓桓旌旆繙繙以扼建關將固我城必集我兵移  
 書以徵二校言旋何期之愆絕首以懸夫人曰吁  
 乾坤創夷壯士勿誅逸之使奔遂為唐臣建旆而  
 軍爭城以攻火旗畫紅陷其四封二校有云使鬼  
 為人夫人之仁曷其報之曷橐我私曷授我旌旗  
 植于家有突而譁我劍之加夫人曰吁是城卒屬  
 我生何為有衆若林昔而斧礮今而謳吟夫人之  
 亡其迫已歲其澤愈滂傳紫襲龜霧滿雲迷被于



今茲遺像儼然萬目斯瞻曷取則焉矣

宋學士集

此處有非常模糊的垂直文字，可能是另一篇碑文或題詞，因字跡不清難以辨認。

壘山夫人李氏像贊

明 王教奎

公信大義昭揭天地有婉淑姬節與之齊茹辛履  
險左挈右提瞻公實宋忠臣夫人也無媿於為忠  
臣妻者矣 王文恪公集

險



Vertical text in the rightmost column, likely bleed-through from the reverse side.

Vertical text in the second column from the right.

Vertical text in the third column from the right.

Vertical text in the fourth column from the right.

Vertical text in the fifth column from the right, possibly a signature or date.

Vertical text in the center of the left page.

Vertical text on the left side of the left page.

Faint vertical text at the bottom of the left page.



三十四卷

大正九年  
九月

十月廿一日

十月廿二日

十月廿三日

十月廿四日



